



Prishtinë, 28 shkurt 2019  
Kodi i ZRRE-së: V\_1111\_2019

#### Bordi i Zyrës së Rregullatorit për Energji

##### Duke u bazuar në:

- Nenin 9 paragrafi 1 nënparagrafi 1.7, nenin 15 paragrafi 1 nënparagrafi 1.15, nenin 25, neni 26 paragrafi 1 nënparagrafi 1.2 dhe nenin 43 paragrafi 1 të Ligjit për Rregullatorin e Energjisë (Nr.05/L-084),
- Nenin 16 të Rregullës për Procedurën e Autorizimit për Ndërtimin e Kapaciteteve të reja,
- Vendimi për Lëshimin e Autorizimit Final V\_759\_2016 të datës 28 janar 2016 për shoqërinë "Matkos Group" SH.P.K., për ndërtimin e kapaciteteve të reja gjeneruese për prodhimin e energjisë elektrike nga uji, HC Sharri me kapacitet të instaluar prej 6.453 MW, ZK Shtërpce, komuna e Shtërpçës, dhe
- Kërkesën për shtyrjen e afatit të vlefshmërisë së Vendimit për Autorizim Final V\_759\_2016 i datës 28 janar 2016 edhe për 1 (një) vit, për ndërtimin e kapacitetit të ri gjenerues për prodhim të energjisë elektrike nga Uji, HC Sharri me kapacitet të instaluar prej 6.453 MW, ZK Shtërpce, komuna e Shtërpçës, të datë 18.01.2019 nr. prot. 052/19 të shoqërisë "Matkos Group" SH.P.K., me adresë rruga "Veternik" 10000, Prishtinë, Republika e Kosovës,

në seancën e mbajtur me datë 28 shkurt 2019 nxori këtë:

### V E N D I M

- I. **APROVOHET** kërkesa e shoqërisë "Matkos Group" SH.P.K. dhe **SHTYHET** afati i vlefshmërisë së Autorizimit Final V\_759\_2016 i datës 28 janar 2016, i vazhduar me vendimin V\_933\_2018 të datës 29 mars 2018, për vazhdimin e ndërtimit të Hidrocentralit HC Sharri me kapacitet të instaluar prej 6.453 MW, ZK Shtërpce, komuna e Shtërpçës, edhe për 1 (një) vit, gjegjësisht deri me **28 janar 2020 për ndërtimin e Hidrocentralit.**

### A r s y e t i m

- o ZRRE me datë 29.03.2013 nga shoqëria "Matkos Group" SH.P.K., ka pranuar aplikacionin për marrjen e autorizimit për ndërtimin e kapaciteteve të reja gjeneruese për prodhim të energjisë elektrike nga Uji, në Lumin Lepenc, për HC Sharri me kapacitet të instaluar prej 5.5 MW dhe HC Brezovica me kapacitet të instaluar prej 3.6 MW, në Komunën e Shtërpçës.



- Bordi i Zyrës së Rregullatorit për Energji, pas analizimit të dëshmimeve të prezantuara nga shoqëria “Matkos Group” SH.P.K., ka vendosur se aplikuesi ka dëshmuar përshtatshmërinë për zhvillimin e projektit për ndërtimin e kapaciteteve të reja gjeneruese nga Uji, dhe ka lëshuar Vendimin mbi Njoftimin për Autorizimin Preliminar V\_540\_2013 me datë 28 qershor 2013. Vendim mbi Njoftimin për Autorizimin Preliminar, nuk ka nënkuptuar edhe lëshimin e Autorizimit, përderisa nuk plotësohen kërkesat e përcaktuara me Rregullën e procedurës së autorizimit për ndërtimin e kapaciteteve të reja.
- ZRRE me datë 24.06.2015 nga shoqëria “Matkos Group” SH.P.K., ka pranuar kërkesën për vazhdimin e afatit të vlefshmërisë së Vendimit V\_540\_2013 të datës 28 qershor 2013 mbi Njoftimin për Autorizimin Preliminar për HC Sharri dhe Brezovica, Komuna e Shtërpcës, për kompletimin e aplikacionit për marrjen e Autorizimit Final.
- Bordi i Zyrës së Rregullatorit për Energji, pas analizimit dhe vlerësimit të kërkesës dhe dëshmimeve relevante të prezantuara nga shoqëria “Matkos Group” SH.P.K., me datë 16.07.2015 ka vendosur me Vendimin V\_745\_2015 për shtyrjen e afatit të vlefshmërisë së Vendimit V\_540\_2013 të datës 28 qershor 2013, edhe për 6 (gjashtë) muaj, gjegjësisht deri me 28 dhjetor 2015, në mënyrë që brenda kësaj periudhe të kompletohet aplikacioni sipas legjislacionit në fuqi.
- ZRRE me datë 12.11.2015 nga shoqëria “Matkos Group” SH.P.K., ka pranuar kërkesën për shndërrimin e Vendimit mbi Njoftimin për Autorizimin Preliminar për ndërtimin e kapaciteteve të reja gjeneruese për prodhim të energjisë elektrike nga Uji në Autorizim Final për HC Sharri me kapacitet të instaluar prej 6.453 MW, në Lumin Lepenc lokacionin ZK “Shtërpce”, Komuna e Shtërpcës, duke i bashkangjitur dëshmitë e lëshuara nga autoritetet relevante për përmbushjen e të gjitha kërkesave mjedisore, të drejtën mbi shfrytëzimin e tokës, të drejtat mbi shfrytëzimin e ujit, Lejen Ndërtimore dhe kërkesat e tjera ligjore që lidhen me natyrën e projektit sipas legjislacionit në fuqi.
- Bordi i Zyrës së Rregullatorit për Energji, me datë 28.01.2016 ka vendosur që shoqërisë “Matkos Group” SH.P.K., ti lëshohet Autorizimi Final V\_759\_2016 për ndërtimin e kapaciteteve të reja gjeneruese, për prodhimin e energjisë elektrike nga Uji, për HC Sharri me kapacitet të instaluar prej 6.453 MW, njësia gjeneruese që do të vendoset në lokacionin ZK Shtërpce Komuna e Shtërpcës.
- ZRRE me datë 11.01.2018 nga shoqëria “Matkos Group” SH.P.K., ka pranuar kërkesën për vazhdimin e afatit të vlefshmërisë të Vendimit për Autorizimin Final V\_759\_2016 të datës 28 janar 2016, për HC Sharri me kapacitet të instaluar prej 6.453 MW, **për përfundimin e ndërtimit edhe për një (1) vit, gjegjësisht deri me 28 janar 2019.**
- Bordi i ZRRE-së, në mbledhjen e mbajtur me datë 29 mars 2018, pas shqyrtimit dhe vlerësimit të kërkesës dhe dëshmimeve relevante, ka aprovuar kërkesën e shoqërisë “Matkos Group” SH.P.K., dhe me vendimin V\_933\_2018 ka vendosur që ti lejohet shtyrja e afatit të vlefshmërisë të vendimit për autorizimin Final V\_759\_2016 të datës 28 janar 2016 edhe për një (1) vit, gjegjësisht deri me 28 janar 2019, në pajtim me dispozitat ligjore të Rregullës për procedurën e Autorizimit.





- ZRRE me datë 18.01.2019 nga shoqëria “Matkos Group” SH.P.K., ka pranuar kërkesën për vazhdimin e afatit të vlefshmërisë të Vendimit për Autorizimin Final V\_759\_2016 të datës 28 janar 2016, i vazhduar me vendimin V\_933\_2018 të datës 29 mars 2018 për HC Sharri me kapacitet të instaluar prej 6.453 MW, **për përfundimin e ndërtimit edhe për një (1) vit, gjegjësisht deri me 28 janar 2020.**
- Shoqëria “Matkos Group” SH.P.K., në kërkesën e saj ka sqaruar se: arsyeja, pse po kërkojmë që të shtyhet afati i vlefshmërisë së autorizimit final për projektin HC Sharri është se kanë filluar me përgatitjet e fillimit të punimeve dhe gjatë kësaj periudhe edhe përkundër angazhimeve nuk ka arritur të përfundojë ndërtimin e këtij Hidrocentrali brenda këtyre afateve të dhënura nga ZRRE, pasi që faktorët që kanë ndikuar në vonesa janë të natyrës së shkaktuar fillimisht nga Komuna edhe pse i kemi respektuar të gjitha kushtet dhe ligjet në fuqi dhe jemi pajisur me lejet përkatëse, dhe së fundmi edhe nga komuniteti i asaj zone.
- Shoqëria “Matkos Group” SH.P.K., me datë me datë 28 qershor 2018 përmes emailit zyrtar iu është drejtuar Komunës së Shtërpcës, në lidhje me njoftimin e dërguar me datë 18 shtator 2017, lidhur me punët që ishin duke u realizuar në ndërtimin e Hidrocentralit HC Sharri në pajtim me lejet përkatëse dhe legjislacionin në fuqi, duke i konfirmuar edhe nga Ministria e ambientit se punimet ishin duke u realizuar në pajtim me Pëlqimin Ujor dhe Lejen ndërtimore. Përmes këtij emaili ke kemi njoftuar Drejtori i Departamentit të Urbanizimit, se do të vazhdojmë me punimet e mbetura nga data 2 korrik 2018.
- Nga përgjigja me shkrim e pranuar me datë 29.06.2018, janë informuar se Kuvendi Komunal i Komunës së Shtërpcës me datë 29.05.2018 ka marr vendim për pezullimin e të gjitha llojeve të ndërtimit duke përfshirë edhe ato të karakterit të përkohshëm në qendrën e skijimit në Brezovicë, deri në gjetjen e ndonjë partneri strategjik për zhvillimin e kësaj qendre.
- Jemi informuar gjithashtu që është përgjegjësi e ekzekutivit të zbatojë këtë vendim dhe unë ju kërkoj që të zbatoni këtë vendim dhe të mos filloni ndonjë punë në territorin e qendrës së skive deri në njoftimin e mëtejshëm me kërcënimin se “Nëse nuk jeni në pajtim me këtë vendim, komuna e Shtërpcës do të veprojë në përputhje me vendimin e mësipërm dhe do të marrë masat e duhura”, duke mos dhënë asnjë arsytim ligjor se i njëjti Departament, Kompanisë Matkos Group SH.P.K., i ka lëshuar lejet ndërtimore për ndërtimin e Hidrocentraleve HC Brezovica i realizuar dhe në prodhim komercial për prodhimin e energjisë elektrike nga BRE, Hidrocentralin HC Vica në realizim e sipër, HC Shtërpce në proces të ndërtimit dhe HC Sharri i cili është në ndërtim sipas lejes përkatëse ndërtimore, por i njëjti sipas këtij vendimi është i pezulluar përkohësisht.
- Shoqëria “Matkos Group” SH.P.K., duke parë se Komuna e Shtërpcës ka nxjerr në vendim të kundërligjshëm në dëm të investimeve, ka shfrytëzuar të drejtën e saj dhe ka parashtruar kërkesë në Ministrinë e Administrimit të Pushtetit Lokal (MALP) dhe Ministrinë e Mjedisit dhe Planifikimit Hapësinorë, për shqyrtim të ligjshmërisë së Vendimit për ndalimin e të gjitha ndërtimeve duke përfshirë edhe ato të karakterit të përkohshëm nr. 01-020/18-6982/18 të datës 31.05.2018. të kuvendit komunal të Shtërpcës.
- Ministria e Administrimit dhe Pushtetit Lokal, pas shqyrtimit të kërkesës nr. 020-647/4, për shqyrtimin e ligjshmërisë së Vendimit Nr. 01-020-08-6982/18 të datës 29.05.2018 për ndalimin e të gjitha ndërtimeve duke përfshirë edhe ato të karakterit të përkohshëm në qendër të skijimit





në Brezovicë deri në gjetjen e ndonjë partneri strategjik për zhvillimin e kësaj qendre, i cili është miratuar nga Kuvendi Komunal i Shtërpcës, me datë 14.09.2018 ka dhënë përgjigjen me shkrim nr. 020-647/4 me të cilën ka theksuar që: MALP, në përputhje me mandatin ligjor të përcaktuar me Ligjin Nr. 03/L-040 për Vetëqeverisje Lokale dhe Rregulloren Nr. 02/2011 për fushat e përgjegjësisë Administrative të Zyrës së Kryeministrit dhe Ministrive shtojca XII, duke u bazuar në Raportin e monitorimit të mbledhjes së rregullt të Kuvendit Komunal të Komunës së Shtërpcës ka konstatuar se Vendimi Nr. 01-020-08-6982/18 të datës 29.05.2018 Kuvendit Komunal të Komunës, me shkresën përcjellëse iu është dërguar Ministrisë së Mjedisit dhe Planifikimit Hapësinor (MMPH) për vlerësimin e ligjshmërisë.

- Ministrisë së Mjedisit dhe Planifikimit Hapësinor (MMPH) me datë 17.07.2018 pas shqyrtimit të përmbajtjes së aktit të komunës si më sipër, ka vlerësuar se **akti i komunës është i kundërligjshëm me dispozitat e legjislacionit në fuqi**. Mos pajtueshmëria e aktit të komunës i parashtuar për shqyrtim të ligjshmërisë ka të bëjë me atë që: “Vendimi i Kuvendit Komunal i Komunës së Shtërpcës Nr. 01-020-08-6982/18 për ndalimin e të gjitha ndërtimeve duke përfshirë edhe ato të karakterit të përkohshëm në qendër të skijimit në Brezovicë deri në gjetjen e ndonjë partneri strategjik për zhvillimin e kësaj qendre, është në kundërshtim me dispozitat e legjislacionit në fuqi neni 77,78 dhe 80 të Ligjit për Mbrojtje të Natyrës Nr. 03/L-233, Planit Hapësinor të Parkut Kombëtar Sharri dhe Planit Menaxhues të Parkut Kombëtar Sharri, i cili administrohet nga Drejtoria për Administrimin e Parkut Kombëtar Sharri/Agjencioni për Mbrojtjen e Mjedisit të Kosovës – MMPH.
- Gjithashtu ka sqaruar se Qendra e Skijimit në Brezovicë, është brenda Parkut Kombëtar Sharri në zonën e tretë mbrojtëse, e cila zonë bie në kompetencë të Institucioneve Qendrore gjegjësisht Ministrisë së Mjedisit dhe Planifikimit Hapësinor, dhe MMPH i ka propozuar MALP-it që të kërkojë nga Kuvendi i Komunës/Kryetari i Komunës së Shtërpcës që të ndërmerr veprime konkrete që aktin e komunës ta harmonizoj me dispozitat ligjore në fuqi, brenda 30 ditësh nga data e pranimit të kërkesës për rishqyrtim të aktit.
- Poashtu në shkresën e datës 16.08.2018 Ministria e Mjedisit dhe Planifikimit Hapësinor në përgjigjen me shkrim ka sqaruar se në pajtim me Rregulloren e Qeverisë së Republikës së Kosovës Nr. 01/2016 për shqyrtimin administrativ të akteve komunale, dhe në bazë të kompetencave ligjore të ministrisë të përcaktuara me ligjet bazike dhe Rregulloren e Qeverisë Nr. 02/2011 për fushat dhe përgjegjësitë Administrative të Zyrës së Kryeministrit dhe Ministrive, Departamenti Ligjor i Ministrisë së Mjedisit dhe Planifikimit Hapësinor ka shqyrtuar kërkesën për vlerësimin obligativ të ligjshmërisë së vendimit të Kuvendit Komunal i Komunës së Shtërpcës Nr. 01-020-08-6982/18 dhe ka konstatuar se akti komunal është në kundërshtim me dispozitat e legjislacionit në fuqi.
- Shoqëria “Matkos Group” SH.P.K., pas pranimit të përgjigjes me shkrim nga MALP dhe Ministria e Ambientit, ju ka drejtuar Komunës së Shtërpcës, ku e ka njoftuar për vazhdimin e punimeve në realizimin e projektit HC Shtërpce sipas dinamikës së punimeve të planifikuara për realizimin e tyre edhe përkundër vështirësive të mëdha.
- Mirëpo pas konfirmimit nga komuna e Shtërpcës se mund të vazhdohet me punime në hapjen e veprës së marrjes, trasesë së tubacionit dhe të hidrocentralit, pengesat na janë paraqitur nga komuniteti i asaj zone, ku kanë dal dhe kanë pengua në kryerjen e punëve, të cilat pas konsultimit me Kryetarin e komunës së Shtërpcës, me datë 31 dhjetor 2018, është mbajtur






*takimi me përfaqësuesit e komunitetit, përfaqësuesit e Ministrisë së ambientit dhe të policisë së Kosovës, është arritur pajtimi që të lejohet realizimi i këtij projekti. Këto vështirësi, të shkaktuara nga komuna e Shtërpcës, na kanë përcëlluar edhe tek realizimi i HC Brezovica dhe HC Vica për të cilën edhe ju kemi njoftuar, edhe pse ne jemi pajisur me tërë dokumentacionin e nevojshëm nga komuna e Shtërpcës dhe institucionet tjera.*


- *Poashtu në shkresën përkatëse kanë informuar se kanë siguruar financimin e këtij projekti me rëndësi, janë porositur tubacioni, turbinat për këtë projekt dhe pajisjet tjera përcjellëse teknologjike.*
  - *Arsyeja, pse kanë kërkuar që të shtyhet afati i vlefshmërisë së autorizimit final për projektin HC Sharri është se edhe përkundër angazhimeve tona në përfundimin e realizimit të këtij projekti me interes, ky projekt nuk arriti të përfundohet brenda kësaj kohe, për shkak të problemeve të vazhdueshme të shkaktuara nga Komuna e Shtërpcës dhe komuniteti i asaj zone të cilat i kemi cekur më lartë. Marr parasysh faktin dhe natyrën komplekse të projekteve në fushën e Hidrocentraleve, dhe pengesave të vazhdueshme, këto kanë qenë bazë e vonesave për përfundimin e projektit në fjalë, brenda afatit të parë të caktuar nga ZRRE me mirësi kërkojmë nga Bordi i ZRRE që të na mundësoj shtyrjen e vendimit mbi autorizimin edhe për 1 vit sipas dispozitave ligjore të rregullës së autorizimit.*
  - *Andaj, bazuar në dispozitat e nenit 16 i Rregullës së Autorizimit, kërkojnë nga Bordi i ZRRE që për Hidrocentralin HC Sharri me kapacitet të instaluar prej 6.453 MW, ZK Shtërpca, komuna e Shtërpcës, të iu mundësohet shtyrja e afatit edhe për një (1) vit, gjegjësisht deri me 28 janar 2020 për përfundimin e projektit në fjalë.*
  - *Bordi i ZRRE-së, pas analizimit të kërkesës së shoqërisë "Matkos Group" SH.P.K. dhe dëshmime të bashkangjitura për shtyrje të afatit të vlefshmërisë të Autorizimit Final, për ndërtimin e kapaciteteve të reja gjeneruese për prodhimin e energjisë elektrike nga uji, në Lumin Lepenc HC Sharri me kapacitet të instaluar prej 6.453 MW, në Komunën e Shtërpcës, ka vlerësuar ato, dhe ka konsideruar se për shkak pengesave të paraqitura dhe të kompleksitetit të ndërtimit të Hidrocentraleve, dhe duke u mbështetur në shkresat e lëndës, ka vendosur që të lejohet shtyrja e afatit të vlefshmërisë së Autorizimit Final V\_759\_2016 i datës 28 janar 2016, dhe vendimit V\_933\_2018 të datës 29 mars 2018 edhe për një afat shtesë ligjor, duke u mbështetur në dispozitat ligjore të cekura në hyrje të këtij vendimi.*
- II. Vendimi për Lëshimin e Autorizim Final V\_759\_2016 i datës 28 janar 2016, do të vlen deri me datë **28 janar 2020**, sipas dispozitivin nën pikën I., të këtij vendimi, dhe në rast se nuk arrin të përfundoj ndërtimin e stabilimenteve të reja gjeneruese nga Uji, apo nuk vepron në pajtim me legjislacionin në fuqi, vendimi do të shfuqizohet.
- III. Vendimi nxirret dhe publikohet në gjuhët zyrtare në Republikën e Kosovës.
- IV. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.




**Këshillë juridike:** Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

**Bordi i ZRRE-së:**

  
Arsim Janova, u.d. Kryesues

  
Besim Sejfiqaj, anëtar

  
Selman Hoti, anëtar

  
Izet Rushiti, anëtar

**Vendimi iu dërgohet:**

- Palës,
- Komunës së Shtërpcës,
- Sekretarit të Përgjithshëm të MMPH-së dhe
- Arkivit të ZRRE-së